



《續修四庫全書》編纂委員會編

續修四庫全書

上海古籍出版社

七三〇・史部・地理類

天府廣記四十四卷（卷二十二至卷四十四）〔清〕孫承澤撰……………一

宸垣識略十六卷〔清〕吳長元撰……………二九七

天咫偶聞十卷〔清〕震鈞撰……………五六七

熱河志略不分卷〔清〕和瑛撰……………七三五

淞故述一卷〔明〕楊樞撰……………八一五

24164/10

天府廣記

二

〔清〕

孫承澤撰

據遼寧省圖書館藏清
抄本影印原書字芯高二
一〇毫米寬二八四毫米

天府廣紀卷之二十二

刑部

刑部在皇城之西與都察院大理寺並列而為三法司設尚書侍郎掌天下刑名使隸勾覆閣禁之政令置十三清吏司如戶曹主兩京十三省之獄獄凡宗室勳戚官吏軍民麗於法者詳其詞察其情偽傳律例而比其罪之重輕律例所不及者上下附而以請凡兩畿十三省歲獄其死罪刑平之凡詔獄必傳例請上裁凡應減者下應輕應者上就重、不得至死凡律例有殊旨別詔例榜例非經請議者令者不得引為比凡死刑即決及秋決並三覆奏莊戮于市凡贖罪視罪輕重為差新絞雜犯從末減者聽以贖凡簿錄停囚配沒給賜官私奴婢必籍知之凡籍產不得及其先墳營凡在罰計估易銀歲秒類入內府凡獄成移大理寺減平為凡訴冤家內皆自下而上急者繫登聞鼓凡重囚京師歲霜降會五府九卿科道共憲之以請貴者決疑矜者成還省詞者詢所司再問比律者監候五歲請省遣官出京府兩京十三省審錄減釋寬濫者凡夏月錄囚免笞刑減徒流而下刑辦重刑凡提牢月更生事一人革因圖囚械繫而時其飲食有病醫藥之凡官有過紀錄之兩京歲秒請勅誦除紀過凡禁祀止刑凡四方有獄受命而往成之以名例



攝律條以准皆各其及則若括律詞義以五服參情法以墨誼識竊盜宗人不即市官人不即獄悍老癯殘不即訊

歷代刑制

周礼秋官大司寇掌建邦之三典以佐王刑邦國一曰刑新國用輕典二曰刑平國用中典三曰刑亂國用重典視國俗為重輕制御世之叔不顯之於法此其大綱以五刑糾萬民一曰野刑上農功而糾其力作為野治也二曰軍刑上順命而糾其失守為軍律也三曰鄉刑鄉者善上德而糾其、德之元也四曰官刑上功能而糾職、官之守也五曰國刑上愿而糾暴國也民所聚風易洗難淳故糾暴民歸之憲為紀法守也亦不顯之法使司刑之所司者法也非制法者也而刑莫先于罷民罷民者民情于教不昏作勞如疲癯者然是淫醜之所生教養之所始民俗所以日偷而不可反也其害人也泰而固本嚴于刑也故刑之則已重不刑則亂俗而傷化故置諸圜土而收教之日夜施九職工事為而役之司其力以強其罷書其罪於版著之背以恥其心而冀其改則教道存焉爾蓋環而教之也故圜土非其獄之調也能改者復之三年不齒其不能改而出圜土者殺則止愚于萌坊俗于忽王教之為俗化慮至遠也小司寇總萬民之獄訟用情而訊之至司乃獎以五聲聽訟

求其情一曰詞所謂詞故詞溢若直也二曰色所謂色怖色
詐若定也三曰氣所謂氣懾氣喘若氣壯也四曰耳听五曰
目听謂視听直則端不直則眊眊失常也其制五刑也必原
父子之親五君臣之義以杖之意論輕重之量慎惻隱深之
宜以別之悉其聰明致其忠愛以盡之托恐其末也必三刺
三宥三教以求其衷三刺者一訊之群臣再訊之群吏三詰
之萬民所謂疑獄記其衆共之者也衆疑赦之矣即罪廢於
罰衆所宥雖止刑下服衆衆宥之所刺即下刑上服衆衆
刺之也不顯之於法惟用中於民故曰國人刑殺之也仇未
也司刺者又得以不識過失遺忘而宥之幼弱老耄愚而
赦之至國有大獄又得以親故賢能功勳勤賁八辟為虎邦
法以議之則其所求諸刑者為已悉矣乃歲孟春士師以木
鐸徇於朝以邦之五禁書懸之衆親挾日以後欽以左右刑
罰一曰宮禁二曰官禁三曰國禁四曰野禁五曰軍禁國有
大事則又為五戒以先後之一曰誓用之于軍旅二曰詰用
之於會同三曰禁用之于田役四曰糾用之于國中五曰憲
用之于都鄙斯局非欲法令著揭無使罪戾於民使民協中
康德而却無虞於法也哉
刑官在朝者謂之士師在六卿謂之卿士在六遂謂之遂士
在各縣遂謂之縣士各掌其民之教夫謂之士者理官也士

居四民之先而別五爵之一則官分職不皆謂之士而理官
獨謂之士者蓋以此官民命所係天討所寓國家所以得失
民心皆在於此故非明礼義脩道德通經學者不可以居之
自虞廷以臯陶為士而周人自秋官卿以下皆以士名蓋亦
後世使知刑官之重而不可雜以他流也

鄭人鑄刑書叔向使詔子產書曰昔先王議事以制不為
刑辟俱民之有爭心也民之有辟則不忘於上並有爭心
以懲於書而微章以成之弗可為矣夏有乱政而作禹刑
商有乱政而作湯刑周有乱政而作九刑三辟之興皆叔
世也今吾子相鄭國作封漁立謗政制參辟鑄刑書將
以清民不亦難乎

晉趙鞅鑄刑鼎仲尼曰晉其亡乎失其度矣夫晉國將守唐
叔之所受法度以經緯其民卿大夫以序守之序伍次也民
是以能尊其貴是以能守其業貴賤不愆所謂度也文公
是以作執秩之官為被廬之法以為盟主令棄是度也而為
刑鼎民在焉矣何以尊貴棄礼微書貴何業之有民不奉上
貴賤無序何以為國

漢高祖初入咸陽與父老約法三章殺人者死傷人及盜抵
罪餘悉除去秦法民大悅
古今考曰秦之毒甚矣今俗語謂殺人償命必殺人然後

處死而秦以偶語棄市非誇致挾傷人典盜財物罪有輕重不至于死而秦法不告姦者腰斬蓋自秦文公始為三族之法秦孝公得商鞅又盡廢周法而肉刑上及公子師傳令民為仕伍而相收司連坐步過六尺者有罰棄灰於道者被刑一旦鮑涓論囚七百餘人渭水盡赤秦惠王之五商鞅亡而莫敢舍車裂之民不恤也

漢世祖建武二年詔曰頃獄多寬人用刑深刻朕甚惡之孔子云刑罰不中則民無所措手足其典中二千石諸大夫博士議即議者刑罰

張湯傳孫林曰漢議註獄二十六所東漢志云孝武帝所

置世祖皆省之

唐高祖入關除苛政約法十二條已又頒新格五十三條惟吏受賄詐冒盜府庫物罪不原餘悉除去隋法矣又詔禁獄等更撰律令本前代故法為書一曰名例二曰禁衛三曰職制四曰戶婚五曰廩庫六曰擅興七曰賊盜八曰閭訟九曰詐偽十曰雜律十一曰捕亡十二曰斷獄一以漢九章為準律家以為集大成焉

隋煬帝外征四裔內實營寇兵革歲動賦歛滋繁有司皆臨時迫脇苛求濟事憲重選棄賄賂公行富人無告聚為盜賊帝乃更立嚴刑勅天下竊盜已上罪無輕重不待開

秦皆斬首姓轉相群聚攻剽城邑誅罪不能禁帝以盜賊不息乃益肆淫刑又詔為盜者籍沒其家自是群盜大起郡縣官人又各專威福生殺任情夫及楊玄感反帝誅之罪及九族其尤重者竹轆裂衣首之刑或礮而射之命公卿以下齧飲其肉百姓怨嗟天下大瀕

周世宗厭五代之季刑罰峻深視人命如性宰而國祚不保因范質議律條繁輕重失衷詳定之曰刑統行焉

宋太祖即位與天下更始尤注意刑辟哀矜無辜嘗讀虞書喟然嘆曰堯舜之世四凶之罪止于投竄何近代法網之密耶故自開寶未犯大辟非情理深重者多得貸死懲五代收

守皆武人多率意用法擅殺生著令諸州所決大辟案當上咸委刑官詳覆吏坐深文故入終屏斥不復甚者流故由是吏皆持平法網晏寬建隆四年判大理寺實錄上重定刑統三十卷詔與刑統並行竹儀等的泰輕重尤為詳傳世稱其平允是後削平諸國州府皆頒下之

高宗建炎三年詔自今並遵用嘉祐條法輕重不等並從輕實格即從重其官制所賞事務格目及役法等有用案獄各該載未盡者並令有司條具以聞

熙寧中神宗勵精為治謀置局修勅蓋謂律不足以周盡事情凡國邦沿革之政與人之為惡入於罪戾而律所不

載者一斷以勅乃更其目曰勅令格式而律存乎勅之外自元祐變熙寧之法紹興復熙寧之制以後樹前以新改旧各自為書而刑意寢繁紹興重修勅令格式頒行于是熙寧元祐紹聖法制無所偏倚善者從之古今考云近世用法寬大且莫如宋諸國大臣無誅止于沆宸命官自非賕罪不加杖責其不強地不廣而三百一十七年之天下厥有自來詔宗寧森党以私意從祐符諸賢於南方遂失中原似適陰殺旧相決然士類周刑亦以頌國亡身云

元世祖定天下之刑答杖徒流絞立等答杖罪既定曰天既他一下地既他一下我既他一下自是合答五十止答四十七合杖一百止杖一百七元史曰世祖謂宰臣曰朕或怒有罪者使汝勿殺必違留一二日乃覆奏斯言也雖古仁君何以過之自後體之君惟刑之恤凡郡國有疑獄必遣官覆讞而從輕死罪審錄無冤者亦必待報然後加刑初作憲典其篇二十有二曰名例曰樹禁曰職制曰祭令曰學規曰軍律曰戶婚曰食貨曰大惡曰奸非曰盜賊曰詐偽曰訴訟曰聞駁曰殺傷曰禁令曰雜犯曰捕亡次之曰恤刑曰平反曰赦宥而終之以獄空則辟以止辟之效成刑期無刑之德可見矣

元政之敝南北異制事類繁瑣挾情之吏舞弄文法出入比附用請訢私而免煩不法之徒又數以赦宥獲免至于西僧歲作佛事或恣意縱囚以售其奸究保善良者皆而而飲恨識者病之

明太祖洪武元年正月頒大明令制曰律令者治天下之大法也令教之于先而律齊之于后古法律至簡後滋煩多甚至有不能通其義者何以使人知律意而不犯哉是啓吏奸而陷民于罪也朕心愍焉今所定令更就簡質使天下易知而難犯以母麗於律庶凡予期于無刑之意今凡百四十五條

六年閏十一月命中書省詳定律法論之曰凡五法貴簡當使人易曉若條緒繁多或一事而兩端可輕可重奸貪得因緣為奸則所為禁或暴者反以賊良善也卿等宜盡心參究凡刑名條目逐日上朕親酌議為律成宋學士瀛具奏言皇上登大寶而來保乂臣民肇、勿忘訓迪群工諄復十言惟恐有犯慈愛仁厚之意溢于意表是大舜惟刑之恤之象也矜憫愚民陷于罪戾法司奏讞惻然勿寧多所寬貸是神禹見辜而泣之心也惟貪墨吏承踵元弊乃不得已假峻法以繩之是以臨御以來屢詔大臣更定新律至五六易弗僅茲特勅臣刑部尚書劉惟謙等會衆律重修以協厥中近代比

一月受詔明年二月書成篇目一準唐旧自名例以至斷獄十九篇中采用已頒回律二百二十八條旧令改律三十六條日事制律二十一條擬唐律補遺百二十三條合六百有六條為三十卷每一篇成輒繕寫上、揭之西廡壁端親御輪墨為之裁定聖慮淵深稽天授人成百代之憲其易書之與好生之德洽于民心俾日月所照霜露所墜有血氣者莫不改過遷善臻雍熙之治何其盛哉詔頒行已定設六部復更定以吏戶禮兵刑工為六類析篇目為十九約條為四百六十析戶婚為戶役婚姻分兩訟為兩訟訟分兩軍為兩軍牧隸兵倉庫隸戶分職制為公武改屬吏受賕隸刑凡刑之忌五曰笞曰杖曰徒曰流曰死、二等流三等徒杖笞各五等元刑最重者曰凌遲徙流重者曰遷徙曰充軍凡惡惡之徒十曰謀反曰大逆曰謀叛曰惡逆曰不道曰大不敬曰不孝曰不睦曰不義曰內亂凡貪墨之賕六曰監守盜曰常八盜曰竊盜曰枉法曰不枉法曰坐賕各雖沿唐而因時定制緣情制典自有法律來所未有

二十二年又命翰林院同知官將比年例律條參考折衷以類編附凡三百七十有六條曰名例律仍載于律書之首頒行之

三十年夏命刑部尚書劉惟謙續修律條分為三十卷各屬于吏戶禮兵刑工九四百六十條其六職五刑表服宗制皆繪成圖式復將以准寄各其及即若列分八字之義古之刑則雖刻宮等刑悉去不用律成進獻上覽之嘆曰此皆民命所關非但一代所當遵守雖萬世之下亦當行也

律成之後復作六語頒天下序畧曰古田在于官、法非以給田民驗丁以授田農無曠夫游食者少士農工受田之日驗能進業各知稼穡之艰难四民身務以三而止取諸農商出于農竹賈于農際此王教之精也民用鄉德五福鄉應今朕不才不能申明我古先帝王之曰惡惡夫惡頑效習曰俗彛倫不叙是致壽非壽富非富康熙不自如攸好德辭美考終令罕聞本古五刑而不治雖本五刑誅之亦何惡焉今復出是語大播寰中敢有不遵者以其罪、之因初刑部展既論當訖因有大誥者咸等無有加等既又作續大誥三篇訓切之

三十年詔刊大明律將大誥內條目附其中制製序言朕有天下做古為治明礼以尊民定律以純頑刑著為全行之已久而犯者猶衆故特所政之嚴作大誥昭示民間使知趨吉避凶之道古之人謂刑為詳刑豈非欲民並生於天地間哉然法在有司民不周知故命刑官取大誥條目取其要者

附載於律凡榜文禁約悉除之除誅並并律誥該載外其雜犯大小之罪悉依贖罪之例論斷今編次成書刊布中外令天下知所遵守刑期無刑賡朕恤刑之意

大學士丘濬曰唐有律例之外又有令格式宋初因之至神宗更其目曰勅令格式所謂勅者無唐之律也洪武元年即為大明令一百四十五條頒行天下蓋與漢高祖初入關約法三章唐高祖入京約法十二條同一意也至六年始命刑部工尚書劉惟謙等造律文又有洪武禮制諸司職掌之作與大誥三篇及大誥武臣等書唐宋所謂律令格式與其編勅皆在是也但不用唐宋之旧名爾夫律者刑之法也今者法之意也法具則意寓乎其中方草創之初未暇詳其曲折故明示以其意之所在今是也平定之後既以脩其制度故載其法之所存律是也伏讀祖訓有曰子孫做皇帝時止守律典大誥而不及令而諸司職掌于刑部都官科下具載律典大誥中所條者可見也是誥典律乃朝廷所當世守法司所當遵行者也事有律不載而具于令者據以為證用以請之于上可也此又明法者之所當知

朝審

洪武三十年六月置改平訟理二審審論罪因上諭刑部

官曰人言法家少恩此後世用法之過故有是言朕視唐虞之世好生之德洽于民心安有是言哉爾等每論因引至朕前雖詳其致罪之由然一時裁決恐未得其情自今論因惟武臣死罪朕親審之其餘不必親至朕前但以所犯來奏然後引至承天門外命行人持訟理權傳旨諭之其無罪應釋者持政平審宣德意遣之總令五軍都督府六部都察院六科給事中通政司詹事府詳如審錄寃者即為奏聞無寃積犯死罪以下悉如律其雜犯死者准贖

洪熙元年十月大理寺奏決重囚命五府六部通政司六科同三法司于承天門會審時召大學士楊士奇楊榮金幼孜至榻前諭曰比年法司之濫大逆不道往往出于羅織煇煉先常數切戒之故死刑至四五覆奏而法司畧不留意自今九次審重囚卿三人往同審有寃抑者雖細故必以聞遂命三法司今後審決重囚必會三學士同審

熱審

宣德元年諭三司法曰古者夏孟斷刑出輕繫夏閏重囚蓋其食所以順時今重人命也我祖宗之時每遇隆寒盛暑必命法司審錄囚繫今天氣漸炎不分輕重而悉繫之非欽恤之道古人為刑為詳刑以其用之至當足以召和氣福國家卿等當體此心即量情罪輕重而區別之務存平恕

毋致深刻

弘治六年四月太監常泰傳旨如今天氣暖熱兩法司歸來
備見監囚犯苦罪無干証的便放了徒流以下的戒等發落
重囚可矜疑并加號的都寫來看

寒審

崇禎十年十月刑部尚書鄭三俊疏言刑科秋出纂修曆法
山西代州知州郭正中一本為救困乾象等事奉聖旨實審
是否有例着該部查明具奏恭誦二祖列宗室訓就中有時
涉三冬事關填獄者如永樂十二年十一月諭方今歲冬因
國有罪者固難決放無辜者並為繫獄實度死非德政也
等語其成獄及所疑者進來朕親閱之寒審雖無近例可備
而先朝間施是寬大正以剝膚墮指之威倍增拯危指揚之
慘深宮偶一發念寒谷旋已回春列聖相沿時屆寒暑未
不以存恤因繫為懷三者是年行寒審如熟霜之例

恤刑

宣德八年諭法司處決天下重囚但免所具之詞畢無慮歸
人命至重死即不可復生其違的當官分臨各處司三司巡
按監察御史及府州縣官入同詳審若情化深重果無寬枉
听從處決如情可矜疑及虛無不服者仍監候具奏與之辯
理違官審錄自此始

天府廣記卷二十三

都察院

都察院在皇城之西與刑部大理寺並列稱三法寺初設御史
御史臺洪武十三年改都察院十七年始定設都御史即古御
史大夫之職副都御史僉都御史即古中丞之職副都左右各
一人僉都四人主天子耳目風紀之司凡大臣奸邪小人橫党
作威福亂政者劾九百官畏葸貪冒壞官紀者劾凡學術不正
上書陳言變亂成憲希進用者劾而朝覲考察都御史入天官
臺司賢否黜陟之斷大獄重囚會鞠於外朝或奉旨同刑部大
理寺議平之

屬十三道監察御史主察糾內外百司之官一邦或露章劾劾
或封章奏劾凡差在內京畿道刷卷巡營軍提學清恤軍巡視
視光祿巡倉庫城門在外巡按清軍刷卷巡鹽茶河閘印馬走
田師行則監軍紀功者各以其事專監察而御史巡按則代天
子狩轄所按藩服大臣若及府州縣官諸考察舉劾尤專大事
奏裁小事主斷而河南道他專諸內外考察凡朝會糾儀祭祀
監祀凡政事得失軍民利病得直言無避凡罪囚按巡密錄有
故出入理辨之凡大獄勅下臺推奏當上所裁常獄擬罪移平
大理寺凡有大政集兩廷預議焉蓋六部有專司而都察院惟
所見聞得糾劾無職司乃憲綱都御史糾劾務明著是跡聞焉

年月冊虛文從詆訐拾細瑣抑戒令慎重而御史出按復命都御史覆其稱職不稱職以聞又御史犯罪加三等有贓從重論

元朝上御御史臺殿中司記按漢御史大夫有兩丞其一曰中丞居殿中蘭臺外督刺史內領侍御史受公卿奏事舉劾按章亦謂之中執法則居殿中者寔古中丞之職魏以二御史居殿中察非法大朝會則替白筆側陞而坐乃殿中設侍御史之始也其後殊時異制法華靡常在唐則兼知庫藏出納宮門內事京畿諸州諸衛兵禁而政務非一則宋則三院並得言事兼察事而官守不分建我世祖皇帝元五年肇建御史臺置殿中侍御史二員而以殿中別為一司正名舉職糾察朝儀外廷稱慶則對立于龍墀之下而不與廢僚序列大駕行幸則畢從于豹尾之中而非若他官可以更休委任既尊地位復尊臣僚有所數奏無不與聞而其命秩之崇品在第四視唐宋以七品官為之重輕之不侔從可知也自非熟賢貴胄秉清方直亮之節風為衆所嚴憚莫宜當其選由是而鈐位卿相未始乏人誠欲使來者知所慕效而思避其風烈則所托以昭示于永久者苟可缺與

明太祖洪武初一循元舊當其時左右大夫湯和鄧愈敬膺斧鉞寄外中而中丞劉基章繼理臺事江廣洋陳寧輩俱選

大夫洪武十三年胡氏之事發而御史臺僅設左右中丞俱正二品侍御史正四品而已十四年始改御史臺為都察院然僅正七品其官有御史而無都御史十六年仍為正三品明年為正二品子是定設左右都御史正二品左右副都御史正三品左右僉都御史正四品職紀劾官邦申辯冤抑而所屬御史分為十三道御史巡按以至它公委出則奏請還則考核然御史獨不係都察院以示得相糾察之意建文初改為御史府設都御史一員左右副都御史各一員品如故十三道御史曰左右兩院監察御史永樂鴻章采復洪武之制其後移都察院於北京而留者曰南京都察院畧如六部矣其以左右都御史而下總督提督叅贊巡撫各鎮者初自本院出曰公差事完或得代則回理院事其後不勝多則往自部佐卿寺藩臬遷轉亦不復歸院

建文二年方孝孺御史府記皇上嗣位之初即下明詔行寬政赦有罪蠲通稅鉅萬計去事之妨民者明年以紀元賜萬年米由帑帑民嚮子者宮為之贖免田之租稅凡年分遣使者問海內所患若賞廉乎吏罪至死者多金活之于是刑部都察院論因視往歲減三分之二人皆重於犯法二年春二月甲子有詔若曰頃以訴狀繁易御史臺就都察院典刑部分治庶獄今賴祖宗神靈斷獄頗簡其更都院仍舊制為御

史府專以糾貪穢舉備良匡故事宣教化為職省御史員定為二十八人務為忠厚以底至平三月戊辰賜御史衣明日己巳以都院回署在太平之北於朝謁為確命即唐事府為御史府賜宴于新治復命文武大臣皆預以託綏之既而有勅令臣某記其事臣惟斯民之生以德養之則安於為善以刑制之則棄於為惡聖人之治天下豈有他術哉使人人皆知去惡以從善而治民成矣惟御史之官始于周其職之所治與權任之輕重雖累變不常然得其人則紀綱振而國體尊非其人則人望不肅而是非錯繆然專任以刑獄則自近代始曩者法吏持刑深刻犯者滋眾先皇帝甚厭苦之欲有所更革而未暇今皇上以德養人羣生喜悅訟者叢止後古官名以修善政褒行先帝之遺志自今居是府者其敬承聖訓允便於國利於民者則言之為民之靈為國之福若則去之毋溺于私而枉其所守毋懾于勢而屈所當為一以道輔佐天子行德教使黎民醇厚如三代時斯不負建官圖治之意苟為不然舍其大而務其細或事小忠末節以市名或為詭行儉言以規榮利于民之治否國之安危無預焉則是官之名雖更而實之可厭苦者自若也奚可哉臣等執筆後太史後夫紀政教明職守以示後世史氏職也故書其事以為居仁者規

總憲設置

洪武十五年十月更置都察院設監察都御史八人正七品以秀才李原明唐徽等為之設浙江河南山東北平山西陝西湖南福建江西廣東廣西四川十二道監察御史正九品其文移則都察院故牒各道監察御史呈都察院十七年正月陞都察院左右都御史正二品左右副都御史正三品左右僉都御史正四品經歷一員正六品都事一員正七品

是年七月定都察院文移体式五軍都察督府有事於都察院止令經歷司互相文移轉呈本院如行六部則經歷司典主事廳立牒其在京秩三品者則典本院平竹仍放牒在京四品在外按察司帖下在京五品以平衙門其在京四品在外按察司牒呈本院及在京五品以下衙門竹移本院俱稱具呈唯大理審判磨勘司典本院經歷司竹移各道監察御史亦止由本院竹移與諸司無行

弘治十八年五月御史戴鳳請止添註右都御史之例疏云都御史風紀重任宜慎選其人旧制坐院左都御史止設一員右員不設巡來每遇缺侍郎輒陞右副都御史及侍郎考滿輒陞右都御史遂以振肅風紀之司為寄置判員之所今右都御史：琳在任而刑部侍郎屠勳又以秩滿陞去宜嚴

勳前命止加俸級仍曰供職自今不得一驟添註廢存禁憲之重

總憲責任

洪武初諭左都御史湯和等曰國家新立惟天府總天下之政中書政之本都統府掌軍旅御史臺糾正百司朝廷紀綱盡繫于此而臺察之任實為清要卿等當思正己以率下忠勤以事上蓋已不正則不能正人是故正人者必先自治則人有所瞻仰毋徒據虛位而漫不可否毋委靡因循以縱長惡毋假公濟私以傷人害物詩云剛亦不吐柔亦不茹此大臣之體也

洪熙元年諭吏部慎選御史以清風紀又命吏部咨訪可為都御史者以為十三道御史表率

宣德三年六月以顧佐為右都御史賜之勅曰都察院受朝廷耳目之寄掌國家紀綱之任用濟其人則庶政清平羣僚警肅用非其人則百職怠弛小人橫恣必盡廢公乃稱斯職近年以來在京諸司奸弊紛出其司風憲者非惟不能糾舉且護與之同和若此所為國何賴為爾佐剛直廉正簡在朕心今特畀斯任其竭誠盡力必公必明恪恭夙夜毋憚勤勞彈劾愆謬毋避權要毋枉良善毋縱奸宄庶凡人和儆畏獎以清革剝朕簡任之意其各見任御史宜審擇之凡應勤

公正老成持重者俱留在職其不遵政體不諳文移貪淫無耻及曾犯贓罪者悉送吏部降黜公差給假丁憂亦如之務盡至公之道所關御史即行吏部慎選自今不許授尔其欵哉

是年八月命都御史顧佐考核各道御史佐分別列名上請上命以貪淫不法者發遼東各衛充吏終身不遵政體者降縣典史老疾者罷為民

是月佐奏舉進士監生及聽選知縣教官凡四十三人寸堪御史上令于各道歷政三月考其能否為上中下三等以聞至是佐考校上等知縣孔文英等十二人中等教諭楊椿等二十四人下等董敬等七人上命上中等俱為監察御史再歷三月考其賢否具以名聞因謂佐曰人才高不下資使練習之久加以考察彼將自奮而皆可矣正統元年五月右都御史顧佐奏考得御史傅誠等七人素行不立秦獻等律法不通張璘等老疾不任事命棄行不立者為民法津不通者降黜老疾者致仕曰勅佐等曰御史中有嘗犯贓罪及暴酷枉人死者尤宜一體黜降其餘各衙門屬司有不才及不任事者悉送堂上官各即用心考察其奏但有徇私容隱者聽見任御史舉劾以憑降黜古云無曠庶官卿等其惡朕意

嘉靖六年十月署院事兵部左侍郎張孚敬疏曰昔唐肅思
謙為御史大夫見王公未嘗屈嘗曰耳目官固當特立鵬鶚
鷹鸇堂最禽之偶乎宋杜衍為御史中丞宰相而下畏之曰
不肖以恩義假人者也國朝顧佐為都御史在朝大臣有貪
墨不法許寧緋衣當御前面加糾舉就行拿門改都御史凡
衣緋入朝之日必有糾舉大臣莫不股慄今此職不舉故大
臣無忌憚朝夕貪墨如之何民不勞且盜也故掌院官必在
侍人始能倡率撫巡揚勵百司其守令等官一有慢令害民
者撫巡官即按之無貸撫巡官一有不奉法者掌院官即按
之無貸則法無往不行矣

萬曆中南院稱海中丞瑞紀畧曰海中介為南右都御史風
猷肅然掌管南察事秉公持平即權貴閥白畧不為徇留都
清議之愈重每出行所至人必擁輿左右聚觀之婦人童孺
咸歡呼鼓舞即司馬溫公之入汴不過是也其初束蒞任止
携二竹筴簪舟泊上河人猶不知崇病延醫入視室中所御
衾褥皆白布蕭然不啻加寒生

督撫設置

初制遣尚書侍郎都御史少卿等官巡撫各處地方事畢後
命或即停遣初名巡撫或名鎮守後以鎮守侍郎與巡按御
史不相統屬又文移往來亦多窒礙定為都御史巡撫撫軍

務者加提督有總兵地方加贊理管糧餉者加總督無理他
如整飭邊備提督邊關及撫治流民總理河道等項皆因事
特設其邊境以尚書侍郎任總督軍務者皆兼都御史以便
行事

洪武初勅皇太子巡撫山西巡撫之名始於此
永樂十八年四月命吏部尚書兼詹事府詹事蹇義同給事
中馬復等二十一人巡行天下安撫軍民釐達即還非設置
也

洪熙初嘗命廣西布政使周幹巡視直隸浙江至宣德元年
二月幹還言有司多不得人土豪肆虐良民苦之乞命廷臣
往來巡撫庶民安田里下吏部會戶部工部議遂命廣西按
察使故縣為大理寺卿同四川恭政葉春巡撫直隸及浙江
諸郡此設巡撫之始

宣德五年二月遣工部侍郎許廓巡撫河南賜之詩曰河南
百州縣七郡所分治前歲農事缺始旱澇復繼食既無資
民生何由遂顧予位民上日夕懷憂隗爾有敦寧負其力勤
撫字進者必綏輯飢者必賑濟咨詢必周歷毋諱躬勞勩庶
文徒瑣碎所志見實惠勉旃營乃誠庶用副予意
成化八年九月設北畿兩巡撫兵科都給事中梁璟言畿內

八府境上廣遠巡撫一人兼理邊備卒遇有警恐慢事机乞以河間保定以南六府專委都御史陳瀛巡撫其薊州抵密雲一帶邊關及順天永定二府屬另擇重臣一人專督燕理巡撫之任部覆從其言乃以命都御史張綱巡撫二巡設自此始

隆慶四年五月裁革廣東巡撫官改兩廣總督李迂為提督兼廣東巡撫事先是都給事中光懋言兩廣總督建置已久向府倉梧坐鎮東西兩省居上游之地扼要害之樞調兵轉餉勢若建瓴蓋責成專則推委無詞事权重則掣肘勿慮號令一則耳目不分今更設二巡撫不惟多官多費適滋推諉御史蘓士洵亦言二粵勢如輔車總督居中控制在廣東于糧餉則資廣東以轉輸則在廣東不足于戰士則調廣西以應援不維聲援聯絡且事歸一章並下吏部覆可兩廣不設巡撫自此始

停止推遣

正統四年二月戶部請侍郎巡撫上曰巡撫為民而設苟非其人適以擾之不必侍郎巡撫其各布政司按察司及直隸府州正官事有稽違一體論治

景泰六年閏六月刑部尚書俞士悅以福建賊警請遣廷臣巡撫吏部尚書王直曰廷臣巡撫本非定制今雖有小寇宜

督資三司禁捕帝曰卿等議是朝廷設三司府縣衛政安民禁盜今小寇永除寔彼之責矣文移詰之不許輕遣廷臣事宣

宣德八年勅飭各處巡撫曰茲命爾等巡撫郡縣務宣德意撫民人扶植善良一切稅糧皆從爾設法區處必使人不勞困輸不後期衛所屯種從爾比較水田圩岸亦從提都使耕耘以時水旱無患應有便民之事悉具奏聞宜秉公正勵廉潔無暴無刻以副朕意

景泰五年定巡撫以每年八月入京議事除畫地方利病該部彙奏

景泰元年給事中李寔等奏近年各處鎮守巡撫等官動經三五七年或一二十年宦家懸隔乞勅各官議許其妻子完住軍給本處官倉俸米以贍其家從之

嘉靖六年十二月吏部尚書桂萼言巡者左都御史胡世寧尚書李承勛俱建議言各巡撫兵備宜嚴加選擇務在得人今久任以圖成功如周忱在蘄松二十二年主軸在遼東十有一年于謙在河南山西一十八年陳鑑在陝西六十餘年功贖者以次加秩勿苟其地二臣所言甚于治理有裨惟陛下採而行之上曰世寧承勛所議良是吏部便會同戶兵二部并承勛世寧等將巡撫兵備官從公選擇量地險要因才受任果積有年